

文

子

文子卷三

句餘孫 鑛文融評

武林梁 杰廷玉閱

九守篇

守者專一於志而九備於數極則物無不在其成事無不與其成亦用九之義也

老子曰天地未形窈窈冥冥混而爲一寂然清澄重濁爲地精微爲天離而爲四時分而爲陰陽精氣爲人粗氣爲蟲。默希子曰氣有清濁物有精粗

剛柔相成萬物乃生精神本乎天。骨髓根於地精神

人其門骨骸反其根我尚何有

正儀子曰夫有生有化天理之常故其生

也則歟爾為形為神其化也則寂然反本歸根來非所尚去非在我則我見憑何立哉

故聖人法天順地不拘於俗不誘於人以天為父以

地為母

正儀子曰宗順於神形之極法則於覆載之德

陰陽為綱四時為紀

王儀子曰不持此以為綱紀則無以同乎大順也

天靜以清地定以寧萬物逆者死順者生

默希子曰天無心於

順逆人有生於清敗

故靜漠者神明之宅虛無者道之所居夫精神者所

受於天也骨骸者所稟於地也

正儀子曰所謂貴神以存形耳

故曰道生一

正儀子曰觀肇有之前強名曰道數方混故謂之一也

一生二

正儀子曰啓泮為陰陽二氣

二生三

正儀子曰陽清為天陰凝為地二氣交和為人

三生萬物

默希子曰三才既立萬物化能生故品類日新

萬物負陰而抱陽冲氣以為和

默希子曰皆柔而氣而生

南谷子曰一者形之始九乃數之成聖人究於九而守乎一道在我矣一即心心即天天即人人即物物即道道即我我即始能知於始是謂道紀

老子曰人受天地變化而生

正儀子曰受氣以變化而生此形骸

一月而膏

正儀子曰結聚之始貌如脂膏

二月而脉。

正儀子曰血氣通而成脉也

三月而胚。

正儀子曰內未堅但有胚段也。然希子曰定府靈也。

四月而胎。五月而筋。六月而骨。七月而成。

正儀子曰內全五藏

外成

九竅

八月而動。

正儀子曰動於支體

九月而躁。

正儀子曰動之數也

十月而生。形骸已成。五臟乃分。肝主目。腎主耳。脾主

舌。肺主鼻。膽主口。

正儀子曰不言心者以衆藏之最靈不偏於一耳

外爲表中爲裏。頭圓法天。足方象地。天有四時五行。

九曜三百六十六日人有四支五藏九竅三百六十

六骨節天有風雨寒暑人有取與喜怒膽為雲正儀子曰

勇威

之象

肺為氣正儀子曰

肝為風正儀子曰

腎為雨正儀子曰

脾為雲正儀子曰

人與天地相類而必為之主耳目者日月也血氣者

風雨也正儀子曰

象月氣象風血象雨

日月失行薄蝕無光風雨非時毀折生災

默希子曰天有日月

不可不明風雨不可不節不時不節則為災人有耳目不可不清血脉不可不平不平則為病

五星失行州國受其殃

默希子曰五星所犯分野受災五藏受邪一身生病

天地之道至閤以大而猶節其章光愛其神明入之

耳目何能久視聽而不息精神何能馳騁而不乏是

故聖人守內而不失外

默希子曰內保精神外全形體

夫血氣者人之華也五臟者人之精也血氣專平內

而不外越則胸腹克而嗜欲寡

默希子曰夫見表知裏視本知末且嗜欲

生乎中華色形乎外精氣

和於內而肌膚克乎外

嗜欲寡則耳目清而聽視聰達聽視聰達謂之明五
藏能屬於心而無離則氣意勝而行不僻精神盛而
氣不散以聽無不聞以視無不見以為無不成患禍
無出入邪氣不能襲故所求多者所得少所見大者
所知小

默希子曰自少以求多
即易因小以知大則明

夫孔竅者精神之戶。肅意氣者五藏之使候。

正儀子曰意氣

為使則五
藏可候也

故耳目淫於聲色。即五藏動搖而不定。血氣滔蕩而
不休。即精神馳騁而不守。

正儀子曰
神以形類

禍福之至雖如丘山無由識之矣。

正儀子曰靜見微亂則迷者也

故聖人愛而弗越。

默希子曰雖通嗜欲務在節宣不祈分也

聖人誠使耳目精明玄達無所誘慕意氣無失清靜而少嗜欲五藏便寧精神內守形骸而不越卽觀乎往世之外來事之內禍福之間可足見也故其出彌遠者其知彌少言精神不可使外淫也故五色亂目使不明五音入耳使不聰五味亂口使口厲爽

默希子曰

外有所欲內有所損

趣合滑心使行飛揚故嗜欲使人氣淫好憎使人精

勞不疾去之則志氣日耗

默希子曰精氣泄漏則形神日逝其能久乎

南谷子曰河水雖廣風日耗之精神雖王物欲消之未有不消滅者也養生之道無他術如養馬焉去其害焉者而已

夫人所以不能終其天年者以其生生之厚也

正儀子曰

隨其所嗜好厚養以傷生也

夫唯無以生為者即所以得長生也

默希子曰無以生為不厚生不

厚生者不處必死之地也

天地運而相通萬物總而為一能知一即無一之不

知也

正儀子曰能知一原之道則天地萬物之情可知也

虛無妙

不能知一。即無一之能知也。

正儀子曰不由道本窮類皆昧

吾處天下亦為一物。而物亦物也。物之與物。何以相

物。

默希子曰此明物我玄同兩忘彼此則游刃於虛全真反樸也

欲生不可事也。憎死不可辭也。賤之不可憎也。貴之

不可喜也。

正儀子曰非悅貴而得貴惡賤而去賤直自然耳

因其資而寧之。弗敢極也。弗敢極。即至樂極矣。

正儀子曰

任物我之自安乃極其分制而極之固非極也夫放任所極非樂極而何

守虛

九守一數

老子曰所謂聖人者。因時而安其位。當世而樂其業。

默希子曰安人之所不安至
安樂人之所不樂至樂也

夫哀樂者德之邪。好憎者心之累。喜怒者道之過。

子曰凡人則
有道者則無

故其生也天行。其死也物化。

默希子曰生非我有故
謂天行死非我終故曰

物
化

靜則與陰合德。動則與陽同波。

默希子曰動靜
不失其正也

故心者形之主也。神者心之寶也。

正儀子曰妙用
之神聖人所貴

形勞而不休。卽蹙精用而不已。則竭。是以聖人遵之。

不敢越也。

默希子曰形者神之宅。精者氣之靈。相俟
而生相違而死。聖人貴之不敢輕用也。

以無應有必究其理以虛受實必窮其節

正儀子曰惟其虛能

盡彼所來之限也

恬愉虛靜以終其命

默希子曰保虛靜達生死

無所疏無所親

正儀子曰齊物也

抱德煬和以順於天與道爲際與德爲鄰不爲福始

不爲禍先

王儀子曰夫禍非禍也而安以爲禍能安於禍則寧異其禍

不安於禍則禍在於禍禍福之體不在窮達而宗於躁靜也且先始之義主於動作吉凶生乎妄動倚伏在於動時是以聖人無爲無作無禍無福儻然而往儻然而來禍福之迹外彰而屯泰之情不

人也

死生無變於已

正儀子曰冥順變化者無時而不恒此已之未嘗生死也

故曰至神神即以求無不得也以為無不成也

正儀子曰

用之無力

南谷子曰聖人順天而行因時而作不為福尤不為禍始事至而應應已則靜是謂守虛

守無

正儀子曰游萬物而不物則無我無物矣

老子曰輕天下即神無累細萬物即心不惑

正儀子曰輕脫

世榮心存物外

齊死生即意不憚同變化則明不眩夫至人倚不撓

之柱行無關之途

默希子曰以道為柱所以無傾以德為途所以皆適

耳
殘
分
道

稟不竭之府學不死之師

然希子曰
木乎不生

無往而不遂無之而不通屈伸俯仰抱命不惑而死

轉禍福利害不足以患心夫爲義者可迫以仁而不

可劫以兵可正以義不可懸以利君子死義不可以

富貴留也爲義者不可以死亡恐也又況於無爲者

乎無爲者卽無累無累之人以天下爲影柱

正儀子曰影柱

虛無也

上觀主人之倫深原道德之意下考世俗之行乃足

以羞也

正儀子曰
羞進也

一、有無相
似、有無相
似、有無相
似、有無相
七

夫無以天下爲者學之建鼓也

正儀子曰夫上古
君以天下爲已不思

至道其出擊鼓

而欲無聲也

南谷子曰無不生無而生有有喪則復歸於無知
有乃無之利無乃有之用則知無不無無不無無
卽道有不常有不常有卽物是以聖人齊物我一
生死而不累於神自有不亡者存是謂守無

守平

老子曰尊勢厚利人之所貪比之身則賤故聖人食
足以克虛接氣衣足以蓋形禦寒適情辭餘不貪得
不多積清目不視靜耳不聽閉口不言委心不慮棄
聰明反太素休精神去知故無好無憎是謂大通除

穢去累莫若未始出其宗何爲而不成

正儀子曰未始出其宗者

謂本來虛寂無貪愛故萬累俱遣還原復樸也

知養生之和者。卽不可懸以利。通內外之符者。不可

誘以勢。

點滯子曰貪利傷生慕世妨道至人之所不爲也

無外之外至大無內之內至貴能知大貴何往不遂。

南谷子曰世之尊勢厚利人所共貪貪則不平之心生聖人無之心平氣定神不外馳合乎大常之

道是謂

守平

守易

老子曰古之爲道者理情性治心術養以和持以適

樂道而忘賤安德而忘貧性有不欲無欲而不得心
 有不樂無樂而不為無益於性者不以累德不便於
 生者不以滑和默希子曰名利傷德嗜欲害生故不為也
 不縱身肆意而制度可以為天下儀默希子曰自能
 矜慎可為儀表
 量腹而食制形而衣容身而居適情而行餘天下而
 不有委萬物而不利豈為貧富貴賤失其性命哉夫
 若然者可謂能體道矣

莊子曰治心理性易其身而後動定其意而後
 舉樂道安常不為難能之事安而行之是謂守易

守清

老子曰人受氣於天者耳目之於聲色也鼻口之於

芳臭也肌膚之於寒溫也其情一也默希子曰貴賤所同

或以死或以生或為君子或為小人所以為制者異

正儀子曰夫生之情也六事同適耳若外不過當

內不犯和則畢命自天全行歸物若聲色以蕩志

木炭以加身自然與死為徒與妄為

述豈非天受人喪所制異宜者哉

神者智之淵也神清則智明默希子曰鑒無遺物

智者心之府也智公則心平默希子曰動不私已

人莫鑒於流潦而鑒於澄水以其清且靜也故神清

意平乃能形物之情默希子曰惟清與平可察物情

故用之者必假於不用者。默希子曰謂有無相成形神相保也

夫鑒明者則塵垢弗污也神清者嗜欲弗誤也故心

有所至則神漑然在之。正儀子曰心者直至神者妙用夫心行則神往意止則神

住可不澄定乎

反之於虛則消燥藏息矣此聖人之遊也。默希子曰心無靜躁

神明虛遊

故治天下者必達性命之情而後可也

南谷子曰聖人之心明如止水物來則見物去則靜何滯於吾心是謂守清

守貞

老子曰夫所爲聖人者適情而已量腹而食度形而

衣節乎已而貪污之心無由生也

正儀子曰生之不得已者衣食也

身量腹餘爲他物矣但內外無污謂之聖人也

故能有天下者必無以天下爲者也能有名譽者必

不以越行求者也誠達乎性命之情仁義乃因附也

正儀子曰通性命者舉措自成仁義

若夫神無所掩心無所載通同條達澹然無事勢利

不能誘也聲色不能淫也

正儀子曰無貪無染

辯者不能說也智者不能動也勇者不能恐也

正儀子曰

無惑
無懼

此真人之道也夫生生者不死化化者不化默希子曰惟不

生者能生生不化者能化化不生不化故能為生化之本

不達此道者雖智統天地明照日月辯解連環辭潤

金石猶無益於治天下也故聖人不失所守正儀子曰謂守

生化之原不用明察為治

南谷子曰顯其時宜達其衆心惟不逆萬物之情故能心凝形釋能亦下已足謂守真

守靜正儀子曰聖人安此以為生根德本

老子曰靜漠恬淡所以養生也和愉虛無所以據德

也外不亂內卽性得其宜靜不動和卽德安其位養生以經世抱德以終年可謂能體道矣

默希子曰外物不撓內和

自生育之有質歸乎自然

若然者血脉無鬱滯五臟無積氣禍福不能矯滑非

與不能塵垢

正儀子曰撓性亂和沽名求譽者傷生之士也

非有其世孰能濟焉有其才不遇其時身猶不能脫

又况於道乎

正儀子曰有堪任之才未適權變之用則多事之世未能脫離况非守靜而踐

危機哉

夫目察秋毫之末者耳不聞雷霆之聲耳調金玉之

以物類之
一身雲集
欲之所攻
其端此
論亦淺顯
同序

音者。目不見太山之形。故小有所志。則大有所忘。

希

子曰專視則廢耳專聽則廢目以心不兩用
志不兼攻故知見利忘道徇物遺身多矣

今萬物之來擢拔吾生。撻取吾精。若泉原也。

正儀子
曰聲色

之類左右不可盡
故至天生竭精也

雖欲勿稟其可得乎

正儀子曰以
在耳目之自

今盆水若清之經日。乃能見眉睫。濁之不過一撓。即
不能見方圓也。人之精神難清而易濁。猶盆水也。

南谷子曰一有喜功生事之心撓其自自然亂其天
常則靜者失動者惑惟不事奇變是謂守靜

守法

老子曰上聖法天

正儀子曰上古聖君法象天道不教而自化素智而成功盛德日新

玄功莫朕默

希子曰無爲

其次尚賢

正儀子曰以賢德之道爲上也然希子曰形教也

其下任臣任臣者危亡之道也

默希子曰權政在人危亡無日

尚賢者癡惑之原也

正儀子曰尚賢則爭爭爲亂本

法天者治天地之道也

正儀子曰法自然之道則二儀通治

虛靜爲主虛無不受靜無不持知虛靜之道乃能終

始故聖人以靜爲治以動爲亂

默希子曰自靜者則心不撓自治者則物

不亂

故曰勿撓勿撓。萬物將自清。勿驚勿駭。萬物將自理。
天道然也。

南谷子曰修身無法則事惑而精神喪治國無法則政亂而人民傷惟法天以安萬化是謂守法

守弱

老子曰天子公侯以天下一國爲家以萬物爲畜懷
天下之大有萬物之多卽氣實而志驕大者用兵侵
小小者倨傲凌下用心奢廣譬猶飄風暴雨不可長
久夫以聖人以道鎮之執一無爲而不損冲氣見小

守柔退而勿有

默希子曰不可光大

法於江海江海不爲故功名自化弗強故能成其王

默希子曰言聖人有功不居民
自從化有德不宰物自歸待也

爲天下牝故能神不死

正儀子曰教柔之謂
也聖人法之以存神

自愛故能成其貴萬乘之勢以萬物爲功名權任至

重不可自輕自輕則功名不成

默希子曰聖人以萬
物爲貴今輕萬物是

輕其身輕其身是輕天
下輕天下物不歸矣

夫道大以小成多以少生故聖人以道蒞天下柔弱

微妙者見少也儉嗇損缺者見小也見小故能成其

大見少故能成其美

南谷子曰弱者道之用非性也守其冲和而已不以勢位自強不以兵甲暴衆大資小而成衆戴寡爲主往而不害是謂守弱

天之道抑高舉下損有餘奉不足

正儀子曰其備張弓平勢之均也

江海處地之不足故天下歸之奉之聖人卑謙守靜

辭讓者見下也

默希子曰江海以容納爲大聖人以謙辭爲尊

虛心無有者見不足也見下故能致其高見不足故能致其賢矜者不立奢者不長強梁者死滿溢者亡飄風暴雨不終日小谷不能湏臾盈飄風暴雨行強梁之氣故不能久而滅小谷處強梁之地故不得不

奪是以聖人執雌牝去奢驕不敢行強梁之氣執雌牝故能立其雄牡不敢奢驕故能長久

老子曰天道極卽反盈卽損日月是也故聖人日損而冲氣不敢自滿日進以牝功德不衰天道然也人之情性皆好高而惡下好得而惡亡好利而惡病好尊而惡卑好貴而惡賤衆人爲之故不能成執之故不能得是以聖人法天弗爲而成弗執而得

默希子曰聖人

法天不好尊高不惡卑下故不尊高而自尊高也

與人同情而異道故能長久故三皇五帝有戒之辭

命曰侑厄其冲則正其盈則覆夫物盛則衰日中則

移月滿則虧樂終而悲是故聰明廣智守以愚正儀子曰

至察無徒

匿耀守中

多聞博辯守以儉正儀子曰矜能有辱特後無失

武力勇毅守以畏正儀子曰輕敵多敗虞懼保勝

富貴廣大守以狹默希子曰乘定則多悔也

德施天下守以讓此五者先王所以守天下也服此

道者不欲盈夫惟不盈是以弊不新成默希子曰謹守弊陋不令

盈滿服膺此道可

保天下况於一身

老子曰聖人與陰俱閉與陽俱開

默希子曰可聽則聽可顯則顯也

能至於無樂也。卽無不樂也。無不樂卽至樂極矣。是

內樂外不以外樂內故有自樂也。卽有自志貴乎天

下所以然者因天下而爲天下之要也不在於彼而

在於我不在於人而在於身身得則萬物備矣

默希子曰

求之於外與道相背
修之於身與德爲隣

故達於心術之論者卽嗜欲好憎外矣是故無所喜

無所怒無所樂無所苦萬物玄同無非無是

正儀子曰是非

之心生於愛惡心既無矣故
不加所以遺而是非都盡矣

東坡作書
望湖州朝
即變此數

故士有一定之論。女有不易之行。默希子曰士之有道萬偽不能遷其

心女之有行千金不能變其節

不待勢而尊。不須財而富。不須力而強。不利貨財。不貪世名。不以貴為安。不以賤為危。形神氣志各居其

宜。默希子曰導道富德輕勢委神志氣清凝形神相按矣

夫形者生之舍也。氣者生之元也。神者生之制也。一失其位。即三者傷矣。故以神為主者。形從而利。以形為主者。神從而害。貪饕多欲之人。顛冥乎勢利。誘慕乎名位。幾以過人之智。位高於世。即精神日耗。以遠

老子

久淫而不還形閉中距即無出入矣

正義子曰形以剛強為閉中無

和氣
為距

是以時有盲忘自失之患夫精神志氣者靜而日克

以壯躁而日耗以老

默希子曰靜則復元躁則失生也

是故聖人持養其神和弱其氣平夷其形而與道浮
沉如此則萬物之化無不偶也百事之變無不應也

守樸

老子曰所謂真人者性合乎道也故有而若無實而
虛治其內不治其外明白太素無為而復樸體六

抱朴以遊天地之根芒然仿佯塵垢之外逍遙乎無

事之業機械智巧不載於心審於無假不與物遷默希

子曰真性已著外物不移

見事之化而守其宗心意專於內通達禍福於一正儀

子曰專氣無雜通而不異

居不知所爲行不知所之正儀子曰無爲無故

弗學而知弗視而見弗爲而成弗治而辯感而應迫而動不得已而往如光之耀如影之效以道爲循有待而然廓然而虛清靜而無以千生爲一化以萬異

爲一宗

默希子曰千生雖殊同乘一化萬形各異同出一虛

有精而不使有神而不用守太渾之樸立至精之中

其寢不夢

正儀子曰無所想像

其智不萌

正儀子曰不先其物

其動無形

正儀子曰玄應之迹不可見

其靜無體

正儀子曰非有依而止靜

存而若亡生而若死出入無間役使鬼神精神之所

能登假於道者也使精神暢達而不失於元日夜無

隙而與物爲春

正儀子曰和氣接物而無間息

即、是、合、而、生、時、於、心、者、也、
正儀子曰心不自生合時而生

故形有靡而神未嘗化

默希子曰形有同無神無常有

以不化應化千變萬轉而未始有極化者復歸於無形也不化者與天地俱生也故生生者未嘗生其所

生者即生化化者未嘗化化所化者即化

默希子曰萬物受生

化不得不生化故淪於無形天地下生化而能生也故所以常生常化也

此真人之遊也純粹之道也

默希子曰言純氣精妙遊於不生不化之途故

曰真人

支子卷四

句餘孫 續文融評

武林梁 杰廷玉閱

符言篇

符者契也言者理也故因言契理之微悟道忘言之妙可謂奧矣

老子曰道至高無上至深無下平乎准直乎繩。

默希子曰

非衡而平無處不爽非繩而直無處不正

圓乎規方乎矩。

默希子曰非圓能圓而非方能方而無方

包裹天地而無表裏。

正儀子曰其大無外其小無內

洞同覆蓋而無所核。王儀子曰太圓無涯大通無滯

是故體道者不怒不喜其坐無慮寢而不夢見物而

名事至而應

南谷子曰符以示信言以達誠世有謂符命符璽金符玉符者以能示信達誠此感彼應故曰符言惟聖人見物而名事至而應不言之言可以符信

老子曰欲尸名者必生事生即舍公而就私倍道而任已見譽而爲善立名而爲賢默希子曰背道所譽非善之善趨俗

求名非賢之賢也

即治不順理而事不順時治不順理則多責事不順

時則無功妄爲要中功成不足以塞責事敗足以

身

正儀子曰晏譽立效求合時君者功未濟物敗以及身也

老子曰無爲名節無爲謀府無爲事任無爲智主藏

於無形行於無怠不爲福先不爲禍始

默希子曰動不爲主則無

形無形故無將迎之福禍而方應則無怠無怠故無未來之禍也

始於無形動於不得已欲福先無禍欲利先遠害

正儀

子曰未兆之事則爲福絕非常之利則無害也

故無爲而寧者失其所寧卽危無爲而治者失其所

治卽亂

默希子曰失所寧謂捨內寧而更外求寧失所治謂遺身而求治人

故不欲碌碌如玉，落落如石。正儀子曰：謂玉石有分而爭奪生。

其文好者皮必剝，其角美者身必殺。甘泉必竭，直木

必伐。默希子曰：物有美而見害人希名而召禍。

華榮之言後爲愆。默希子曰：先騁其辭後招身禍。

石有玉傷其山，黔首之愆固在言前。正儀子曰：且君子攸戒，尚有二三

藏小人騰口，得不招禍也。

老子曰：時之行動以從，不知道者福爲禍。時之從動

以行，不知道者福爲禍。正儀子曰：時者多承福而作威，故福極而禍生，非禍福相

傾乃動也。之平分耳。

三才圖會

天為蓋地為軫善用道者終無盡地為軫天為蓋善

用道者終無害

默希子曰以天為蓋履無涯而皆善以地為軫運無窮而莫害

陳彼五行必有勝

正儀子曰金火相攻袁王通作

天之所履無不稱故知不知上不知知病也

默希子曰知無

知者善不知強知者病也

老子曰山生金石生玉反相剝木生蠹還自食人生

事還自賊

正儀子曰名顯道喪事起害生

夫好事者未嘗不中爭利者未嘗不窮

默希子曰未

其足蒙塵不垢其身者矣

勢而有能

善游者溺。善騎者墮。各以所好。反自爲禍。得在時不

在事。治在道。不在聖。

默希子曰。時會自得。不假力爭。道在自導。何煩於聖。

土處下。不爭高。故安而不危。水流下。不爭疾。故去而

不遲。是以聖人無執。故無失。無爲。故無敗。

老子曰。一言不可窮也。二言天下宗也。三言諸侯雄

也。四言天下雙也。貞信則不可窮。道德則天下宗。舉

賢德。諸侯雄。惡少愛衆。天下雙。

正義子曰。兼得四句者。上爲皇爲帝。偏得

一言則下爲

霸爲佐也。

丁曰。人有三死。非命亡焉。飲食不節。簡賤其身。病

共殺之樂得無已。好求不止。刑共殺之。以寡犯衆。以弱凌強。兵共殺之。

老子曰。其施厚者其報美。其怨大者其禍深。薄施而厚望。畜怨而無患者。未之有也。察其所以往者。卽知其所以來矣。

老子曰。原天命。治心術。理好憎。適情性。卽治道通矣。原天命。卽不惑禍福。治心術。卽不妄喜怒。理好憎。卽不貪無用。適情性。卽欲不過。節不惑禍福。卽動靜順理。不妄喜怒。卽賞罰不阿。不貪無用。卽不以欲害性。

欲不過節卽養生知足凡此四者不求於外不假於人反已而得矣

老子曰不求可非之行不憎人之非已默希子曰無譎詐之行人

何非我懷仁恕之情我無尤人也

此篇

修足譽之德不求人之譽已不能使禍無至信已之

不迎也不能使福必來信已之不讓也禍之至非已

之所生故窮而不憂福之來非已之所成故通而不

矜是故閒居而樂無爲而治默希子曰恬泊優游而已

老子曰道者守其所已有不求其所以未得求其所

未得。卽所有者亡。循其所已有。卽所欲者至。默希子曰已有

者一身之精神未有者多方之伎術今廢已有之精神所未得之方術未得者未至所得者已亡不保得一之由難追兩失之悔

二故至人守其本不尋其末

治未固於不亂而事爲治者必危行未免於無非而

急求名者必到故福莫大於無禍利莫大於不喪默希

子曰無禍之福福之厚矣無喪之利利之大矣

故物或益之而損損之而益夫道不可以勸就利者

而可以安神避害正義子曰道者不可誘以利無利則無害故神自安道自求也

故嘗無禍不嘗有福嘗無罪不嘗有功道曰芒芒昧

昧從天之威與天同氣無思慮也無設儲也來者不

迎去者不將

然希子曰任其自得

人雖東西南北獨立中央

默希子曰身應物而無窮道居中而獨運

故處衆枉不失其直與天下並流不離其域

正儀子曰至氣

流轉真精常存

不爲善不避醜遵天之道不爲始不專已循天之理

不豫謀不棄時與天爲期不求得不辭福從天之則

正儀子曰天無心不言而萬物生人無爲不謀而百事遂

內無奇福外無奇禍故禍福不生焉有人賊故至德

善本性成
一爲後天
聖

不滿意
不滿意

言同轡事同福上下一心無岐道旁見者退之於邪

開道之於善而民向方矣

默希子曰偏見不足以化俗正道可以誘民也

南谷子曰夫守其已有則未得或至求其未得則所有或亡是以有道者內無奇福外無奇禍

老子曰爲善卽勸爲不善卽觀勸卽生責觀卽生患

默希子曰勸勉也觀察也夫人爲善當日自勉之有不善者察見已過則向方矣是不勉其爲善矣一若以已爲善察求人之不善而責之者則有患矣故勸爲善而不善矣

故道不可以進而求名可以退而修身故聖人不以

行求名不以知見求譽治隨自然已無所與爲者有

不成求者有不得人有窮而道無通

默希子曰人有求而不得道無

爲而

自周

有智而無爲。與無智同功。有能而無事。與無能同德。

有智若無智。有能若無能。道理達而人才減矣。默希子曰

夫至德內克。人才外減者。故有若無。實若虛者也。

人與道不兩。明人愛名。卽不用道。道勝人。卽名息。道

息。人名章。卽危亡。正儀子曰。道損一。致事不兩全。

老子曰。使信士守財。不如定分而探籌。何則。有心者

之於平。不如無心者也。使廉士守財。不如閉戶而全

封。以爲有欲者之於庶。不如無欲者也。正儀子曰。探籌絕疑於外。

心齋士見
情於有欲

人舉其疵則怨鑑見其醜則自喜

默希子曰賢者舉過而思改愚者自

煤而
爲善

人能接物而不與已卽免於累矣

正儀子曰先人後已終身無咎

老子曰凡事人者非以寶幣必以卑辭幣卑而欲不

厭卑體免辭論說而交不結約束誓盟約定而反先

日默希子曰君子之交不假結約一言而定終身不
易小人之交要以誓盟未盈旬時已違舊要也

是以君子不外飾仁義而內修道德修其境內之事
盡其地方之廣勸民守死堅其城郭上下一心與之

勝字當平
聲讀言聖
人無是非
心與人無
是非欲也

守社稷卽爲民者不伐無罪爲利者不攻難得此必
全之道必利之理

老子曰聖人不勝其心衆人不勝其欲

正儀子曰心
勝則道全欲

勝則

心危

君子行正氣小人行邪氣內便於性外合於義循理
而動不繫於物者正氣也推於滋味淫於聲色發於
喜怒不顧後患者邪氣也邪與正相傷欲與性相害
不可兩立一起一廢故聖人損欲而從性目好色耳
好聲鼻好香口好味合而說之不離利害嗜欲也

目鼻口不知所欲皆心爲之制各得其所由此觀之

欲不可勝亦明矣

黠希子曰六情所欲一心爲制氣正於中則欲不害性

老子曰治身養性者節寢處適飲食和喜怒便動靜

內在已者得而邪氣無由入飾其外者傷其內扶其

情者害其神見其文者蔽其真夫酒史忘爲賢者必

困其性百步之中忘其爲容者必累其形

黠希子曰君子慎微

不在於遠十步之內酒史之間皆有非意安可怠忽

故羽翼美者傷其骸骨枝葉茂者害其根莖能兩美

者天下無之

老子曰天有明。不憂民之晦也。地有財。不憂民之貧也。至德道者若丘山塊然不動行者以爲期直已而物足不爲人賜用之者亦不受其德故安而能久天地無與也。故無奪也。無德也。故無怨也。王儼子曰至能動欲害不能傾塊然獨處雖然不動以其常足不受賜脫其所取輒亦無害故與之不德奪之無怨故能長久也

善怒者必多怨善與者必善奪唯隨天地之自然而能勝理故譽見卽毀隨之善見卽惡從之利爲害始禍禍先不求利卽無禍身以全爲常富貴其寄也

老子曰聖人無屈奇之服。詭異之行。服不雜。行不觀。
默希子曰服不
驚衆行不異人

通而不華。窮而不懾。榮而不顯。隱而不辱。異而不怪。
正儀子曰窮通命也故不華不懾榮懾
時也故不顯不辱雖異於人而足怪也

同用無以名之。是謂大通。

南谷子曰聖人不爲屈奇之服詭異之行惟光而
不耀蘊而不刻與民同用而已夫是之謂大通

老子曰道者直已而待命。時之至不可迎而返也。時
之去不可追而援也。故聖人不進而求不退而讓。
正儀

子曰正身待命直道
從時不將不迎也

隨時三年時去我走去時三年時在我後無去無就。

中立其所。

默希子曰此言先之太過後之不及惟獨立其中而安其所也

天道無親唯德是與福之至非已之所求故不伐其

功禍之來非已之所生故不悔其行中心其恬不累

其德

默希子曰非譽不能生寵辱不能驚

狗吠不驚自信其情誠無非分

默希子曰自明無非故不驚懼

故通道者不感知命者不憂帝王之崩藏骸於野其

祭也祀之於明堂神貴於形也

正儀子曰言古帝王藏骸於野不封不樹

示民有終祀神明堂不

謂不濫示民知嚴也

故神制形則從形勝神則窮聰明雖用必反諸神謂

之大通

默希子曰依神形全縱欲神逝自非明達焉能保之

老子曰古之存已者樂德而忘賤故名不動志樂道

而忘貧故利不動心是以謙而能樂靜而能潛以算

數之壽。憂天下之亂。猶憂河水之涸。涸而益之也。故

不憂天下之亂而樂其身治者可與言道矣

正儀子曰喻人

不憂壽之將盡而憂天下之不治是猶泣淚欲增河漚也

老子曰人有三怨。爵高者人妒之。官大者主惡之。祿

厚者人怨之。夫爵益高者意益下。官益大者心益小。

祿益厚者施益博。修此三者怨不作。故貴以賤爲本。
高以下爲基。

老子曰言者所以通已於人也。聞者所以通人於已。
也。旣聞且聾。人道不通。故有聞聾之病者。莫知事通。
豈獨形骸有聞聾哉。心亦有之塞也。莫知所通。此聞
聾之類也。夫道之爲宗也。有形者皆生焉。其爲親也。
亦戚矣。養穀食氣者皆壽焉。其爲君也。亦惠矣。諸智
者學焉。其爲師也。亦明矣。
然希子曰。生以道爲親。無
形而形焉。其爲親也大矣。
穀以氣爲君。非壽而壽焉。其爲惠也厚矣。
智以學爲師。非明而明焉。其爲明也至矣。

人皆以無用害有用正儀子曰勤無用之事傷有涯之情

故知不博而日不足以博奕之日問道聞見深矣然

子曰移博奕而專則道可致深妙也

不問與不問猶問聾之比於人也正儀子曰不問不問是謂問聾

老子曰人之情心服於德不服於力然希子曰可以德制難以力爭

德在與不在來正儀子曰德施不望報

是以聖人之欲貴於人者先貴人欲尊於人者先尊

人欲勝人者先自勝卑人者先自卑故貴賤尊卑道

以制之夫古之聖王以其言下人以其身後人即天

下樂推而不厭戴而不重此德重有餘而氣順也故知與之爲取後之爲先幾於道矣

老子曰德少而寵多者譏才下而位高者危無大功而有厚祿者微故物或益之而損或損之而益衆人皆知利利而不知病病唯聖人知病之爲利利之爲病故再實之木其根必傷多藏之家其後必殃夫大利者反爲害天之道也

正儀子曰謂非利而得者先利後害天之道也

老子曰小人從事曰苟得君子曰苟義爲善者非求名者也而名從之名不與利期而利歸之所求者曰

所極者異

默希子曰小人從事以苟得為利利從而害之君子直道不以利為期而名歸之故

受利同而遇害異也

故動有益則損隨之言無常是行無常宜者小人也

正儀子曰不恒其德也

察之於一事通之於一能中人也

默希子曰所見不同周於一域

兼覆而并有之技能而才使之者聖人也

默希子曰黜姦去邪

任賢使能此聖人也

南谷子曰聞顯方趾含齒戴髮均是人也稟氣有異愚智分焉小人苟得才勝德也君子苟義德勝才也可上可下則為中人天縱多能其聖人乎

老子曰生所假也死所歸也故世治卽以義衛身世

亂卽以身衛義死之日。行之終也。默希子曰視死如歸猶生之年也

故君子慎一用之而已矣。正儀子曰依道而行動不乖正

故生所受於天也。命所遭於時也。有其才不遇其世

天也。求之有道。得之有命。君子能爲善。不能必得其

福。不忍爲非。未必免於禍。故君子逢時卽進。得之以

義。伺幸之。有不時卽退。讓之以禮。何不幸之有。故雖

處貧賤而猶不悔者。得其所貴也。正儀子曰所貴道義耳

老子曰。人有順逆之氣。生於心。心治則氣順。心亂則

氣逆。心之治亂。在於道德。得道則心治。失道則心亂。

心治則交讓心亂則交爭讓則有德爭則生賊有德

則氣順賊生則氣逆

默希子曰一其心則順而正二其氣即逆而邪正則道隆邪則

害生道存則神清氣濁則爭亂濁且亂亡無日矣

氣順則自損以奉人氣逆則損人以自奉二氣者可

道已而制也

默希子曰難以事損可以道制

天之道其猶響之報聲也德積則福生禍積則怨生

默希子曰善惡報如影響

官敗於官茂孝衰於妻子思生於憂解病甚

音幾於且

瘡故順終如始則無敗事也

默希子曰官敗於失正法孝衰於匿私房憂難

管解猶慮患生病且瘡
仍宜節欲則終始無敗

老子曰舉枉與直如何不得舉直與枉勿與遂往所

謂同汗而異泥者

正儀子曰知人不易舉人必明今舉枉爲直以愚爲賢豈有同汗而

異泥也

老子曰聖人同死生愚人亦同死生聖人同死生明

於分理愚人同死生不知利害之所在

正儀子曰聖人一死生不

利彼此故無死生愚人異死生則在得失故愈死生

道懸天物布地和在人人主不和卽天氣不下地氣

不上陰陽不調風雨不時人民號亂

默希子曰道係於天物產於地

中和在人。人人者。天之精。地之靈。故爲人之主。必
和治其氣。安撫萬物。則風雨不愆。災害不作也。

老子曰。得萬人之兵。不如聞一言之當。得隋侯之珠。

不如得事之所由。得和氏之璧。不如得事之所適。天

下雖大。好用兵者亡國。雖安好戰者危。故小國寡民。

雖有什伯之器。而勿用。

正儀子曰。大國在修德。小國貴事人。則無兵伐。

老子曰。能成霸王者。必勝者也。能勝敵者。必強者也。

正儀子曰。非道不

御。非德不勝也。

能強者。必用人力者也。能用人力者。必得人心者也。

正儀子曰。用賢者

之力。得衆人之心。

能得人心者必自得者也自得者必柔弱能勝不
如已者至於若已者而格柔勝出於若已者其事不
可廢故能衆不勝成大勝者也

默希子曰惟保謙柔
衆不能屈故能成其

勝也

文子卷五

句餘孫 鎮文融評

武林梁 杰廷玉閱

道德篇

此篇上川道德下及禮智雖前篇具明今更起問以其玄奧故宜精審將成後學之要也

文子問道老子曰學問不精聽道不深

默希子曰非學不知非精

不達

凡聽者將以達智也將以成行也將以致功名也

正儀

泰西將以
作何說
係泰

子曰達聖哲之智成仁義之行致匡佐之功也

似發直
言

不精不明不深不達故上學以神聽中學以心聽下

學以耳聽

正儀子曰上學體道以達智中學好道以成行下學游道以至名也

以耳聽者學在皮膚以心聽者學在肌肉以神聽者

學在骨髓故聽之不深即知之不明知之不明即不

能盡其精不能盡其精即行之不成凡聽之理虛心

清靜損氣無盛

正儀子曰謂損其氣以處道也

無思無慮日無妄視耳無苟聽專精積稿內意盈并

既以得之必固守之必長久之

默希子曰此為神聽之法悟道之由善聽

不忘善抱
不脫也

天道者原產有始

默希子曰欲聽其理必先明本

始於柔弱成於剛強始於短寡成於衆長十圍之木

始於把百仞之臺始於下此天之道也

默希子曰自無生有從微

至著也

聖人法之卑者所以自下也退者所以自後也儉者

所以自小也損者所以自少也卑則尊退則先儉則

廣損則大此天道所成也

默希子曰凡人多自尊而卑人故失人之所尊聖人

後已而先人故得人之所先是知忤物

則羣情莫應順天則樂推而不厭也

南谷子曰氣形道德之體用乎氣乃無形之物物乃有形之炁炁無形故柔弱物有形故剛強則知

无者形之始也。道生德畜。由微至著。聖人法之。體立。用行。天道成矣。

夫道者德之元。天之根。福之門。萬物待之而生。待之而成。待之而寧。夫道無爲無形。內以修身。外以治人。功成事立。與天爲鄰。無爲而無不爲。莫知其精。其精甚真。其中有信。

正儀子曰。隨感而至。得非信乎。

天子有道。卽天下服。長有社稷。公侯有道。則人民和睦。不失其國。士庶有道。則全其身。保其親。強大有道。不戰而克。小弱有道。不爭而得。舉事有道。功成福得。君臣有道。則忠惠。父子有道。則慈孝。士庶有道。則相

愛故有道則和無道則苛由是觀之道之於人無所
不宜也夫道者少行之少得福大行之大得福盡行
之天下服服則懷之

正儀子曰隨器而受酌焉不竭

故帝者天下適之也王者天下往之也

正儀子曰適者通謂性命

之所安往者不得已就耳自殊優劣也

天下不適不往不可謂帝王故帝王者不得人不能
成得人失道亦不能守夫失道者奢泰驕佚慢倨矜
傲見餘自顯自明執雄堅強作難結怨爲兵主爲亂
首小人之身受大殃大人行之國家滅亡淺及其

身深及子孫夫罪莫大於無道怨莫深於無德天道然也

二層翻入
一層文氣
亦緊

老子曰夫行道者使人雖勇刺之不入雖巧擊之不中夫刺之不入擊之不中而猶辱也未若使人雖勇不敢刺雖巧不敢擊夫不敢者非無其意也未若使人無其意者未有愛利害之心也不若使天下丈夫女子莫不惓然皆欲愛利之若然者無地而爲君無官而爲長天下莫不願安利之故勇於敢則殺勇於不敢則活

默希子曰勇於敢則死勇於不敢則存也

南谷子曰道非有心於應物而物自應之夫利
不傷未若憐然皆有愛利之心雖無地而人君之
無官而人長之天下莫不願安利之古之人有庚
桑子者其德似之

文子問德老子曰畜之養之遂之長之兼利無擇與
天地合此謂之德何謂仁曰爲上不矜其功爲下不
羞其病於大不矜於小不偷兼愛無私久而不衰此
之謂仁也

默希子曰貴爲天子而不驕賤爲匹夫而不憂慈惠不偏博施濟衆所謂仁也

何爲義曰爲上則輔弱爲下則守節達不肆意窮不
易操一度順理不私枉撓此之謂義也何謂禮曰爲
上則恭嚴爲下則卑敬退讓守柔爲天下雌立於不

敢設於不能此之謂禮也故修其德則下從令修其仁則下不爭修其義則下平正修其禮則下尊敬四者既修國家安寧故物生者道也長者德也愛者仁也正者義也敬者禮也不畜不養不能遂長不慈不愛不能成遂不正不匡不能久長不敬不寵不能貴重故德者民之所貴也仁者民之所懷也義者民之所畏也禮者民之所敬也此四者文之順也聖人之所以御萬物也

正儀子曰若非正順於人文則萬情多端不可馴御矣

君子無德卽下怨

正儀子曰以抑其性故怨

無仁卽下爭

正儀子曰以無所惠故爭

無義卽下暴

默希子曰以踰我分故暴

無禮卽下亂

默希子曰以失常敎故亂

四經不立謂之無道不亡者未之有也

老子曰至德之世使質便其市農樂其野大夫安其

職處士修其道民人樂其業是以風雨不毀折草木

不夭死

默希子曰惟德動天澤沾庶物此聖人至治所致也

及世之衰也賦歛無度殺戮無止刑諫者殺賢士是

以山崩川涸蠕動不息野無百蔬

正儀子曰毒流蒸人下結煩怨之氣

氣能逆天矣常
故生災饑之變

故世治卽愚者不得獨亂世亂卽賢者不能獨治故

聖人和愉寧靜生也

王儀子曰未嘗
憂躁以虧性分

志得道行命也故生遭命而後能行命得時而後能
明必有其世而後有其人

文子問聖智老子曰聞而知之聖也見而知之智也

正儀子曰心見
者聖目見者智

故聖人常聞禍福所生而擇其道

正儀子曰擇平靜
之道而守之則無

因以爲
朕兆

智者常見禍福成形而擇其行

正儀子曰擇正慎之行而修之則能預杜

漸萌

聖人知天道吉凶故知禍福所生智者先見成形故

知禍福之門

默希子曰聖人知吉凶倚伏察其未形故治於未亂智者知禍福相傾監於已

兆故不游其門也

聞未生聖人也先見成形智也無聞見者愚迷也

默希

子曰聞未生之事非聖如何觀已形之禍非智如何無聞無見真謂愚迷也已矣

老子曰君好知即信時棄數而用思

正儀子曰謂信所遇之時因以

為已知棄必然之數

而用思所及者也

物博智淺瞻博未之有也獨任其智失必多矣

正儀
子曰

物宜多端智有涯極
故不能瞻以至多失

好智窮術也好勇危亡之道也好與而無定分上之
分不定卽下之望無止若多歛卽與民爲讐少取而
多與其數無有故好與來怨之道也由是觀之財不
足任道術可因明矣

默希子曰觀取與之分乃仇怨
之府是以財不足以救時唯道

可以
輔衆

文子問曰古之王者以道蒞天下爲之奈何老子曰
執一無爲因天地與之變化天下大器也不可執也

不可爲也。爲者敗之。執者失之。然希子曰神而無形不可執也。執者非也。

微而無狀不可爲也。爲者敗之。

執一者見小也。

正儀子曰不載纖芥之能豈非護小。

見小故能成其大。

正儀子曰且無所載因彼而成則無之不通也。

無爲者守靜也。守靜能爲天下正。處大滿而不溢。居

高貴而無驕。處大不溢。盈而不虧。居上不驕。高而不

危。盈而不虧。所以長守富也。高而不危。所以長守貴

也。富貴不離其身。祿及子孫。古之王道具於此矣。

然希

子曰昔者明王皆守此道以化天下也。

老子曰民有道所同行有法所同守義不能相固威不能相必故立君以一之

正儀子曰皆慕義道而懼典法但不能永固所義專

必所畏故立君以齊一之也

君執一卽治無常卽亂君道者非所以有爲也所以無爲也智者不以德爲事勇者不以力爲暴仁者不以位爲惠可謂一矣一也者無適之道也萬物之本

也

然希子曰一者法也適者往也言君致法而治則萬物皆歸往於君

君數易法國數易君

正儀子曰數易法度民不堪命

人以其位達其好憎下之徑衢不可勝理

正儀子曰天子恃道

任好情而成取合法令
章下多岐路不可勝理也

故君失一其亂甚於無君君必執一而後能羣矣

南谷子曰天下雖大君以一之君一則道不待爲
民所同法不待變民所同守智不以德勇不以力
仁不以惠合而一之君之道也若夫君數易法國
數易君則甚於無君也矣

文子問曰王道有幾老子曰一而已矣

默希子曰皇
王之號雖殊

古今之道
唯一也

文子曰古有以道王者有以兵王者何其一也曰以

道王者德也以兵王者亦德也

正儀子曰上以
道得下以義得

用兵有五有義兵有應兵有忿兵有貪兵有驕兵誅

暴極溺謂之義。敵來加已不得已而用之。謂之應。爭

小故。不勝其心。謂之忿。利人土地。欲人財貨。謂之貪。

恃其國家之大。矜其人民之衆。欲見賢於敵國者。謂

之驕。義兵王。正儀子曰。令天下心故王。

應兵勝。正儀子曰。以其後動故勝。

忿兵敗。正儀子曰。不勝忍故敗。

貪兵死。正儀子曰。不能自守故死。

驕兵滅。正儀子曰。反天道故滅。

此天道然也。

老子曰釋道而任智者危棄數而用才者困

默希子曰

東之道專巧詐之智遺禍福之數騁
譎詭之才抑本趨末得不危亡也

故守分循理失之不憂得之不喜成者非所為得者

非所求

默希子曰不驚
得失自無憂喜

入者有受而無取出者有授而無與

默希子曰受無
貪取之心與無

矜出
之態

因春而生因秋而殺所生不德所殺不怨則幾於道

矣

默希子曰春秋無心生殺
有時人主無為賞罰必當

文子問曰王者得其歡心為之奈何

默希子曰帝王
之理何以得百

姓歡

心

老子曰若江海卽是也淡今無味用之不旣先小而後大夫欲上人者必以其言下之欲先人者必以其身後之天下必效其歡愛進其仁義而無苛氣居上而民不重居前而衆不害天下樂推而不厭雖絕國殊俗蜎飛蠕動莫不親愛無之而不通無往而不遂故爲天下貴

南谷子曰江海善下而有容故百川歸之王者法之以爲治容民畜衆故得百姓之權心樂共推戴天下歸往矣草木昆蟲亦將欣服其貴可知

老子曰執一世之法籍以非傳代之俗。譬猶膠柱而

調瑟也。

默希子曰執一隅之說非通代之典其膠柱調瑟何能求典節之全也

聖人者應時權變見形施宜世異則事變時移則俗

易臨世立法隨時舉事

正儀子曰兆庶情偽風俗不一帝王質文世有損益立事

與時非聖者孰能盡哉

上古之王法度不同非故相反也精務異也是故不

法其已成之法而法其所以爲法所以爲法者與化

推移也

默希子曰道無隆替而俗有變革是以五帝不同治三王不共法非欲相反因時宜者也

聖人法之可觀也其所以作法不可原也

正儀子曰法施於外

則可觀擬權在於
內不可原究也

其言可聽也。其所以言不可形也。

正儀子曰法度之言則可傳聽而立

意之由同

難顯著矣

三皇五帝輕天下細萬物齊死生同變化

正儀子曰遺位而忘

懷一遇

而大順

抱道推誠以鏡萬物之情

正儀子曰道法誠明故可通鑒

上與道爲友下與化爲人今欲學其道不得其清明

玄聖守其法籍行其憲令必不能以爲治矣

南谷子曰一炁運行四時更變有不密不爾者天道然也皇帝王伯之治不同若出人爲實由天運

故不可執一世之法籍而爲傳代之治惟隨時而
舉事隨事而應變則可以論世立法如冬不可葛
夏不可裘知
天道者能之

文子問政老子曰御之以道養之以德無示以賢無

加以力

默希子曰教之以道無見其
智能臨之以德無矜其威勢

損而執一無處可利無見可欲

默希子曰清虛爲
體欲利自忘也

方而不割廉而不剝

默希子曰正不
割物廉不傷義

無矜無伐御之以道則民附養之以懷則民服無示

以賢則民足無加以力則民朴無示以賢者儉也無

加以力者不敢也下以聚之賂以取之儉以自全不

敢自安不下則離散弗養則背叛示以賢則民爭加
以力則民怨離散則國勢衰民背叛則上無威人爭
則輕爲非下怨其上則位危四者誠修正道幾矣

老子曰上言者下用也下言者上用也

正儀子曰納下言從諫如

流奉上言其出如輪

上言者常道也下言者權用也

正儀子曰立教由君是以常用諫而必納

所貴如權

唯聖人爲能知權言而必信期而必當天下之高行

直而證父信而死女孰能貴之

正儀子曰父攘子證之直躬期女溺身之

存信若此高行
誰當見哀矣

故聖人論事之曲直與之屈伸無常儀表

默希子曰
理在稱機

事無
定體

祝則名君溺則梓父勢使然也

正儀子曰梓提髮也
夫以君父之尊處祝

溺之際不名其君則非敬不梓其
父則非孝勢在反常以濟其可矣

夫權者聖人所獨見

正儀子曰機權
至微凡情莫及

夫先迂而後合者謂之權先合而後迂者謂之不知

權不知權者善反醜矣

默希子曰善用權者先譎而
後通不善用者始吉而終凶

南谷子曰上言下用經者權之體也
言上用權者經之用也經權相濟事無不宜唯聖人知權言

而必信期而必當與之屈伸而審其逢合者若夫
執中無權則不能隨時而適變膠柱鼓瑟反醜矣

文子問曰夫子之言非道德無以治天下上世之王

繼嗣因業亦有無道各沒其世而無禍敗者何道以

然

默希子曰
設問之意

老子曰自天子以下至於庶人各自生活然其活有

厚薄天下時有亡國破家無道德之故也

正儀子曰
言雖有沒

世無禍敗者但命數之厚耳然其

亡國破家莫不由無道而失者

夙夜不懈戰戰兢兢常恐危亡縱欲怠情其亡無時

使桀紂修道行德湯武雖賢無所建其功也夫道德

者所以相生養也。所以相畜長也。所以相親愛也。所

以相敬貴也。

正儀子曰道德之養敬愛之美乃由此立

夫聲蟲雖愚不害其所愛誠使天下之民皆懷仁愛

之心禍災何由生乎

默希子曰夫道者廣覆厚載生之畜之親之愛之一不異物盡

申諸已使萬物皆然則雖聲蟲之愚尚感仁澤何憂禍災之生也

夫無道而無禍害者仁未絕義未滅也仁雖未絕義

雖未滅諸侯以輕其上矣諸侯輕上則朝廷不恭縱

令不順

正儀子曰凡恭順之至直在乎中感者也

仁絕義滅諸侯背叛衆人力攻強者陵弱大者侵小

文子

民人以攻擊為業災害生禍亂作其亡無日何期無禍也

老子曰法煩刑峻即民生詐上多事則下多態正儀子曰

必多端患以承其事

求多即得寡禁多即勝少正儀子曰以其失多故寡

以事生事又以事止事譬猶揚火而欲使無焚也正儀

子曰夫無事止事則止矣以事止事則止矣復生矣止彼所生之事生此所止之事則如揚火欲求

無焚而更焚也

以智生患又以智避之譬猶撓水而欲求其清也正儀

即法今道
章盛財考
有君

子曰上察智巧下民全性也除患之本止乎多若
既因智以患生復設智以防患是欲木之清而撓
之也

商谷子曰法本以求治煩則生亂刑本以禁奸峻
則興詐夫上多事而欲民無事者是猶強之飲而
責其醉也則是罔民也矣安可云治乎

老子曰人主好仁卽無功者賞有罪者釋好刑卽有
功者廢無罪者及無好憎者誅而無怨施而不德然希

子曰人主無好憎之心則臣無頗
僻之刑則貴者不避誅者不怨

放準循繩身無與事若天若地何不覆載合而和之
君也別而誅之法也民以受誅無所怨憾謂之道德
老子曰天下是非無所定世各是其所善而非其惡

均論是非
莊則用
光則用實

孟子

夫求是者非求道理也。求合於己者也。非去邪也。去

迂於心者也。今吾欲擇是而居之。擇非而去之。不知

世所謂是非也。正義子曰。夫求非者。不能是也。去非者。不能無也。今欲擇是而居。擇非而去。而

去則何知。世人不自執所是而謂我之非哉。若然者。全上之是。未必出於邪。此明是非之治。未可必

天下正也。

故治大國者若烹小鮮。曰勿撓而已。正義子曰。小魚撓之則糜碎。此

民頌之則潰亂。故其設法令以相是非者。不能治之也。

夫趨合者即言中而益親。身疏而謀當即見疑。正義子曰。

世之常情。莫有公是唯合私為是耳。故言彼而中則益親。身疏而忠則見疑。

今吾雖欲正身而待物。何知世之所從規我者乎。

子曰將欲自正其身以待於物豈無世人以不合之故反持彼正而規我也

吾若與俗遽走猶逃雨也無之而不濡。

默希子曰今我欲為人規

矩人亦爲我辟匠勢速走避雨身已勞倦不免沾濡

欲在於虛則不能虛若夫不爲虛而自虛者此所欲

而無不致也。

默希子曰夫虛者無欲有欲非虛無心無所不至也

故通於道者如車軸不運於已而與般致於千里轉

於無窮之原也。

默希子曰達道之士身由氣也神由軸也身混世而常適心忘中而常寂

不馳言外不勞諸已故能轉於無窮之路游於絕冥之境

故聖人體道反至不化以待化動而無爲也

老子曰夫亟戰勝者則國必亡

王儀子
亟數戰也

亟戰則民罷數勝則主驕以驕主使罷民而國不亡者寡矣主驕則恣恣則極物民罷則怨怨則極慮上下俱極而不亡者未之有也故功遂身退天之道也